



Campamentos de verán para persoas con discapacidade Ano 2019



Versión en lectura fácil

Adaptación a lectura fácil:

FADEMGA



Validación de textos por:

Blasco López, Antón Roi

Varela González, Felipe

González Riera, Andrés

Logotipo da portada:

Logotipo europeo de lectura fácil

© European Easy-to-Read Logo: Inclusión Europe.

Máis información en www.inclusion-europe.org/etr

Índice

Introdución.....	páxina	4
Datas, lugares e prezos dos campamentos.....	páxina	6
Que tes que facer para solicitar os campamentos?...	páxina	8
Como elixe a Consellería de Política Social as persoas que van aos campamentos?	páxina	11
Obrigación das persoas nos campamentos.....	páxina	13
Onde podes atopar máis información?.....	páxina	14

Campamentos de verán para persoas con discapacidade

Ano 2019



Versión en lectura fácil

Introdución

A Consellería de Política Social da Xunta de Galicia oferta 185 prazas de campamentos de verán para persoas con discapacidade.

Os campamentos de verán para persoas con discapacidade duran 10 días.

Os obxectivos dos campamentos de verán para persoas con discapacidade son:

- Mellorar as habilidades sociais das persoas con discapacidade.
- Axudar ás persoas con discapacidade a coñecer a cultura galega.
- Animar ás persoas con discapacidade a participar en actividades na natureza e no mar.
- Mellorar a educación sobre saúde das persoas con discapacidade.

Quen pode participar nos campamentos de verán para persoas con discapacidade?

Para participar nos campamentos de verán para persoas con discapacidade tes que cumprir os seguintes requisitos:

- Ter un certificado de discapacidade de grao 33% ou máis.
- Ter 11 anos ou máis.
- Non pasar dos 40 anos.
- Estar empadroado nun Concello de Galicia.
- Seguir as normas de convivencia do campamento.
- Poder comunicarte coas persoas no campamento.
- Poder participar nas actividades do campamento.
- Poder moverte só no campamento.
- Non podes ter unha enfermidade contaxiosa.

Que servizos che dan nos campamentos de verán para persoas con discapacidade?

Nos campamentos de verán para persoas con discapacidade danche os seguintes servizos:

- Durmir nun albergue ou nunha residencia.
- Almorzo, comida, merenda e cea.
- As actividades do campamento.
Por exemplo actividades na natureza ou no mar.
- O material para as actividades do campamento.
- Primeiros auxilios en caso de accidentes.
- Un seguro de accidentes.
- Monitores expertos nas actividades do campamento.

Datas, lugares e prezos dos campamentos de verán para persoas con discapacidade.

Nos seguintes cadros podes ver a información sobre os campamentos de verán para persoas con discapacidade:

- A idade das persoas que poden ir a cada campamento.
- As datas dos campamentos.
- Os lugares dos campamentos.
- O albergue ou residencia onde dormes.
- O prezo do campamento que son os cartos que tes que pagar.

Campamentos para persoas de 11 anos ata 14 anos

Datas	Lugar	Albergue ou Residencia	Nome do Campamento	Prezo
Do 15 de agosto ao 24 de agosto	Bergondo A Coruña	Albergue Xuvenil Gandarío	Natureza xunto ao mar	125 euros
Do 22 de agosto ao 31 de agosto	Carballiño Ourense	Residencia de Tempo Libre	Aventura na natureza	125 euros

Campamento para persoas de 15 anos ata 18 anos

Datas	Lugar	Albergue ou Residencia	Nome do Campamento	Prezo
Do 15 de agosto ao 24 de agosto	Bergondo A Coruña	Albergue Xuvenil Gandarío	Natureza xunto ao mar	125 euros
Do 1 do setembro ao 10 de setembro	Nigrán Pontevedra	Residencia de Tempo Libre de Panxón	Natureza xunto ao mar	125 euros

Campamentos para persoas de 19 anos ata 25 anos

Datas	Lugar	Albergue ou Residencia	Nome do Campamento	Prezo
Do 1 de xullo ao 10 de xullo	Nigrán Pontevedra	Residencia de Tempo Libre de Panxón	Natureza xunto ao mar	125 euros
Do 5 de xullo ao 14 de xullo	Carballiño Ourense	Residencia de Tempo Libre	Aventura na natureza	125 euros
Do 1 de agosto ao 10 de agosto	Bergondo A Coruña	Albergue Xuvenil Gandarío	Natureza xunto ao mar	125 euros
Do 29 de agosto ao 7 de setembro	Bergondo A Coruña	Albergue Xuvenil Gandarío	Natureza xunto ao mar	125 euros

Campamentos para persoas de 26 anos ata 40 anos

Datas	Lugar	Albergue ou Residencia	Nome do Campamento	Prezo
Do 1 de xullo ao 10 de xullo	Nigrán Pontevedra	Residencia de Tempo Libre de Panxón	Natureza xunto ao mar	125 euros
Do 1 de agosto ao 10 de agosto	Bergondo A Coruña	Albergue Xuvenil Gandarío	Natureza xunto ao mar	125 euros
Do 29 de agosto ao 7 de setembro	Bergondo A Coruña	Albergue Xuvenil Gandarío	Natureza xunto ao mar	125 euros
Do 5 de setembro ao 14 de setembro	Carballiño Ourense	Residencia de Tempo Libre	Aventura na natureza	125 euros

Cando debes solicitar os campamentos de verán para persoas con discapacidade?

Podes presentar a solicitude ata o día **3 de maio de 2019**.

Despois do día 3 de maio non podes solicitar os campamentos.

Que tes que facer para solicitar os campamentos de verán para persoas con discapacidade?

Para solicitar os campamentos tes que entregar os seguintes documentos:

- Ficha de solicitude.
- Informe médico
- Se a túa familia é unha familia numerosa podes entregar a fotocopia do Certificado de Familia Numerosa.
- Se tes carné xove podes entregar a fotocopia do carné xove,.

A Ficha de solicitude e o Informe médico están na páxina web da Consellería de Política Social .

Entra nesta páxina web para cubrir os documentos:

<http://politicasocial.xunta.gal/web/portal/portada/campamentos-veran>

Ficha de Solicitud:

Formulario de solicitud de campamentos de verano para personas con discapacidad. El formulario está dividido en varias secciones:

- ENCABEZADO:** XUNTA DE GALICIA, CONSELLERÍA DE POLÍTICA SOCIAL, Xunta de Galicia, e Promoción das Discapacidade.
- TÍTULO:** CAMPAMENTOS DE VERÁN ESPECÍFICOS PARA PERSOAS CON DISCAPACIDADE. Tipo: SOLICITUDE.
- DATOS DA PERSOA CON DISCAPACIDADE:** Nome (Primerio Apeido, Segundo Apeido), DNI, Data Nacemento, Nº de Tarjeta Sanitaria, Domicilio Habitual (Código Postal, Concello, Provincia), Teléfono fijo, Correo Electrónico.
- E, NA SÚA REPRESENTACIÓN:** O PAI / A MAI / O/A TITOR/A / O/A RESPONSABLE DO CENTRO. Nome (Primerio Apeido, Segundo Apeido), DNI.
- DATOS A EFECTOS DE NOTIFICACIÓN:** Nome (Primerio Apeido, Segundo Apeido), DNI, Domicilio (Código Postal, Concello), Teléfono fijo, Correo Electrónico.
- DESTINOS E DATAS SOLICITADAS:** 1º DESTINO: DATA: 2º DESTINO: DATA:
- DATOS ESPECÍFICOS DA PERSOA CON DISCAPACIDADE:** Singlar: - A porcentaxe de discapacidade que ten recoñecida: - Se ten recoñecida axuda de terceiros persoas: Non (SI) / Si (si para mobilidade): Non (SI) / Si (si que ano e localidade se lle efectuaron estes recoñecementos): - Indicar: - A que tipo de centro asiste habitualmente: escolar / ocupacional / residencial - Se está interno no centro: Non (SI) / Si (si En caso afirmativo, con que periodicidade vai ao seu domicilio: de fins de semana / cada 15 días / nas vacacións escolares / nunca - Se ten título de familia numerosa: Non (SI) / Si (si A que nivel accede: Non (SI) / Si - Se participou outros anos en campamentos deste tipo organizados pola Xunta de Galicia: Non (SI) / Si En que destinos: e anos

Na ficha de solicitude tes que escribir os campamentos que pides.

Tes que escribir o nome do campamentos e a data que pides no apartado que pon:

DESTINOS E DATAS SOLICITADAS.

Podes pedir 2 campamentos.

Na ficha de solicitude tamén tes que cubrir información sobre:

- Os teus datos persoais, por exemplo o teu nome e apelidos.
- Os datos persoais do teu titor legal ou representante.
- A túa discapacidade, por exemplo o grado da túa discapacidade.

Tes que asinar a ficha de solicitude.

Se tes titor legal ou representante el ten que asinar a ficha de solicitude.

Se tes menos de 18 anos, os teus titores legais son os teus pais.

Se estás nun centro, a persoa responsable do centro pode ser o teu representante.

Se tes máis de 18 anos, un xuíz pode decidir que teñas un titor legal.

Podes autorizar á Consellería de Política Social a consultar outros documentos teus na ficha de solicitude.

Autorizar significa que permites á Consellería de Política Social a consultar estes documentos:

- O DNI
- O Certificado de Discapacidade
- O Certificado de Empadramento
- O documento que demostra que tes un titor legal ou representante, se o tes.

Se non autorizas á Consellería de Política Social a consultar estes documentos, tes que entregar unha copia destes documentos.

Se tes un titor legal ou representante, el é a persoa que autoriza á Consellería de Política Social a consultar os teus documentos.

Informe médico:

MINISTERIO DE SANIDAD Y CONSUMO
GOBIERNO DE GALICIA
SECRETARÍA DE POLÍTICA SOCIAL
DIRECCIÓN XERAL DE SERVICIOS DE SAÚDE

Campeamentos de verificación específicos para personas con discapacidad
Informe médico
(emitido para personas facultadas de referencia en zonas con elevadas tasas)

Don/a: _____
coordinadora IT de _____ que presta os seus servizos no centro de _____ con N° de identificación de _____

DATOS DE IDENTIFICACIÓN DA PERSOA CON DISCAPACIDADE

apellidos e nome: _____
Número de tarxeta sanitaria: _____ grupo sanguíneo: _____

DATOS DE SAÚDE

-Ten administracións de vacinas regulamentadas: Non Si
-Ten alergia?: Non Si En caso afirmativo, indicar a que: _____
-Ten epilepsia?: Non Si En caso afirmativo, indicar se está controlada: Non Si
-Ten ausencia e/ou consultas?: Non Si En caso afirmativo, indicar con que frecuencia: _____
-Ten diabetes?: Non Si En caso afirmativo, indicar se utiliza insulina: Non Si
-Precisa algunha dieta alimenticia?: Non Si En caso afirmativo, indicar de que tipo: _____
-En caso de presentar enfermidade transmisible con risco de contacto, indicar que riscos sufrí e que precaucións se tomaron: _____
-Ten tratamento farmacolóxico habitual: Non Si

PREVENCIÓN, ASISTENCIA, SÍMPTOMAS OU INTERFERENCIAS

Información:
Indicar que tipo de patoloxías, limitacións e ou necesidades especiais lle ocasionan: _____

Indicar que tipo de atencións especiais ou axudas precisa: _____

-Añádes Informes complementarios: Non Si
-Outras observacións que considere oportuno resaltar (proceso agudo, hospitalización, centro de tratamento, leixanza, terapia psicolóxica, etc.): _____

En _____ de _____ de 2019

Assinatura do persoal facultado e selo da Institución sanitaria

Xacobeo 2021

O informe médico ten que cubri-lo o teu médico e asinalo.

O Informe médico recolle os teus datos de saúde, por exemplo as alerxias que tes ou as túas enfermidades.

Tamén recolle as axudas que necesitas para coidar a túa saúde.

Onde debes presentar os documentos para solicitar os campamentos de verán para persoas con discapacidade?

Os documentos que tes que presentar

para pedir un campamento son:

- A Ficha de solicitude
- O Informe médico
- Outros documentos,
por exemplo a copia do carné xove.

Estes documentos teñen que chegar

á Consellería de Política Social.

Por ese motivo, tes que escribir este enderezo na documentación:

Consellería de Política Social

Dirección Xeral de Maiores e Persoas con discapacidade

Edificio Administrativo San Caetano

15781 Santiago de Compostela.

Podes presentar os documentos en papel

en calquera destes rexistros:

- Nos rexistros da Xunta de Galicia
- Nos rexistros dos Concellos
- Nas oficinas de Correos

Podes consultar na Lei número 39

do 1 de outubro do ano 2015

outras formas de presentar a solicitude dos campamentos.

Cales son os descontos no prezo dos campamentos de verán para persoas con discapacidade?

Todos os campamentos teñen o mesmo prezo.
Cada campamento ten un prezo de 125 euros.

A Consellería de Política Social
informarache de como tes que pagar os 125 euros
se che dan una praza nun campamento.

Podes ter desconto no prezo do campamento:

- Se formas parte dunha familia numerosa
o campamento ten un prezo de 62,50 euros.
- Se tes o carné xove
o campamento ten un prezo de 93,75 euros.

Só podes ter 1 desconto.

Para ter o desconto de familia numerosa
tes que entregar
unha copia do certificado de familia numerosa coa solicitude.

Para ter o desconto polo carné xove
tes que entregar
unha copia do carné xove coa solicitude.

Como elixe a Consellería de Política Social ás persoas que van aos campamentos?

A Consellería de Política Social ten unhas normas para elixir as persoas que van aos campamentos.

A Consellería de Política Social elixe as persoas que van aos campamentos dependendo de:

- Se participaches outros anos nun campamento da Consellería de Política Social.
- O lugar onde vives.

Unha persoa que non foi a campamentos outros anos ten máis posibilidades de ir a unha campamento que unha persoa que xa foi.

Unha persoa que vive coa súa familia ten máis posibilidades de ir a un campamento que as persoas que non viven coas súas familias.

No caso de 2 solicitudes empatadas será elixida a persoa que presentou antes a solicitude.

A Consellería de Política Social

avísate de se tes praza nun campamento ou non.

Podes aceptar a praza no campamento
ou renunciar á praza.

Renunciar á praza significa
que xa non queres ir ao campamento.

Para aceptar a praza tes que cubrir
o documento de aceptación de praza.

Para renunciar a praza tes que cubrir
o documento de renuncia de praza.

Tes 10 días hábiles para aceptar a praza ou renunciar á praza.
Os días hábiles son todos os días da semana
menos o sábado, o domingo e os festivos.

Os 10 días empezan a contar
dende o día que a Consellería de Política Social
che informa de que tes unha praza nun campamento.

Cales son as obrigacións das persoas que participan nos campamentos para persoas con discapacidade?

- Tes que cumprir as normas do campamento.
- O primeiro día do campamento o horario para chegar ao lugar do campamento é dende as 4 da tarde ata as 7 da tarde.
- O último día do campamento o teu pai, nai ou titor legal ten que recollerte para volver a túa casa.
A viaxe para volver a túa casa ten que págala a túa familia.
- Podes deixar o campamento antes de que remate.
O teu pai, nai ou titor legal ten que asinar un escrito para que poidas deixar o campamento

Tes que deixar o campamento acompañado polo teu pai, nai ou titor legal.

- Tes que deixar o campamento se non cumpres as normas.
Tamén tes que deixar o campamento se tes problemas coas actividades ou cos teus compañeiros.

Nestes casos tamén tes que deixar o campamento acompañado polo teu pai, nai ou titor legal.

Cando che devolven os cartos do campamento?

Cando deixas o campamento antes de que remate tes que pagar igual o prezo total do campamento.

A Consellería de Política Social devólveche os cartos do campamento se o campamento non se fai.

A Consellería de Política Social devólveche os cartos se decides non ir ao campamento e avisas con tempo.

Tes que presentar unha solicitude na Consellería de Política Social pedindo os cartos do campamento.

Tes que entregar esta solicitude polo menos 10 días antes de que empece o campamento.

A Consellería de Política Social non che devolve os cartos se faltan menos de 10 días para que empece o campamento.

Onde podes atopar máis información sobre os campamentos de verán para persoas con discapacidade?

No Servizo de Prevención da Dependencia da Xunta de Galicia danche información sobre como pedir os campamentos de verán para persoas con discapacidade.

Este é o seu correo electrónico: autonomiapersoal.sxps@xunta.gal

Estes son os seus teléfonos:

981 54 74 37

981 54 67 37

981 54 46 40

Podes pedir información xeral sobre os campamentos no teléfono social:

900 333 666

Este teléfono é gratis.



Podes pedir información sobre os campamentos nos concellos, nos centros de saúde e nas oficinas de Xuventude e Voluntariado.

Tamén podes pedir información sobre os campamentos nas oficinas da Xunta de Galicia de Dependencia e Autonomía Persoal de cada provincia.

Estes son os enderezose os teléfonos:

A Coruña

Rúa Concepción Arenal, número 7-9 - 15006 A Coruña.

Teléfono 881 881 528.

Lugo

Rúa Serra de Ancares, número 68 baixo - 27003.Lugo.

Teléfono 982 889 132.

Ourense

Rúa Sáenz Díez, número 33 - 32003 Ourense.

Teléfono 988 386 178.

Vigo

Rúa Concepción Arenal, número 8, Primeiro andar - 36201 Vigo.

Teléfono 986 817 217.

